

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
Ո Ր Ո Շ ՈՒ Մ

վարչական տույժ նշանակելու մասին

07 հունիսի 2023թ.

ք.Գյումրի

Ես՝ Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հարություն Ազգալոյանս, քննելով ԱԶ Գուրգեն Նորայրի Մադոյանի (ՀՎՀՀ՝ 57230232, անձնագիր՝ AV0233172, հասցե՝ Արարատի մարզ, Մասիս 1-ին փողոց, 2-րդ նրբանցք, տուն 6) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

ԱԶ Գուրգեն Նորայրի Մադոյանի անվամբ 13.12.2022 թվականի թիվ 05100034/131222/0010390 տարանցման հայտարարագրի համաձայն Գոգավանի մաքսային կետով ՀՀ տարածք է ներմուծվել BMW մակնիշի, WBA829C58HG452816 նույնացման համարով տրանսպորտային միջոց: Տրանսպորտային միջոցը 15.12.2022թ. հանձնվել է մաքսային մարմիններին ժամանակավոր պահպանման: Տրանսպորտային միջոցի համար սահմանված ժամկետում մաքսային մարմիններին մաքսային հայտարարագիր չի ներկայացրել:

Փաստի կապակցությամբ 18.04.2023 թվականին Գուրգեն Նորայրի Մադոյանի նկատմամբ կազմվել է մաքսային կանոնների խախտման վերաբերյալ արձանագրություն «Մաքսային կարգավորման մասին» ՀՀ օրենքի 304-րդ հոդվածի հատկանիշներով:

Գործի քննությունը նշանակվել է 07.06.2023 թվականին, ժամը 12:00-ին: Գուրգեն Նորայրի Մադոյանը գործի քննության տեղի և ժամի մասին պատշաճ ծանուցվել է, սակայն չի ներկայացել, որևէ առարկություն, բացատրություն չի տվել:

ԵՏՄ մաքսային օրենսգրքի (այսուհետ՝ Օրենսգիրք) 101-րդ հոդվածի 1-ին կետի 1-ին պարբերության համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ Օրենսգրքի նույն հոդվածի 2-րդ կետում և 259-րդ հոդվածում նշված դեպքերի:

Նույն Օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ Օրենսգրքով սահմանված այլ ժամկետում:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը առաջացնում է տուգանք՝ **Ֆիզիկական անձանց համար՝ երեսուն հազար դրամի**, իսկ պաշտոնատար անձանց համար՝ հիսուն հազար դրամի չափով:


Հիմք ընդունելով ՀՀ Վարչական իրավախախտումների վերաբերյալ օրենսգրքի 32-րդ և 234-րդ հոդվածները, «Մաքսային կարգավորման մասին» ՀՀ օրենքի 304-րդ, 322-րդ և 334-րդ հոդվածները.

Ո Ր Ո Շ Ե Ց Ի

1. Գուրգեն Նորայրի Մադոյանին ճանաչել զանցառու «Մաքսային կարգավորման մասին» ՀՀ օրենքի 304-րդ հոդվածով և նրա նկատմամբ նշանակել վարչական տուգանք 30.000 ՀՀ դրամի չափով:
2. Որոշման մասին հայտնել Գուրգեն Նորայրի Մադոյանին:
3. «Մաքսային կարգավորման մասին» ՀՀ օրենքի 334-րդ համաձայն որոշումն ուժի մեջ է մտնում այն կայացնելու պահից և կարող է վերադասության կարգով բողոքարկվել «Մաքսային ծառայության մասին» օրենքի 37-րդ հոդվածի համաձայն կամ ՀՀ վարչական դատարան՝ երկամսյա ժամկետում:

ՀՀ պետական եկամուտների կոմիտեի Հյուսիսային մաքսատուն-վարչության

պետ՝ Հարություն Ազգալոյան



Որոշման օրինակը _____ հավելվածներով 3 (երեք) էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի

(ստորագրություն)

ներկայացուցչի անունը, ազգանունը, հայրանունը և լիազորությունը հաստատող

փաստաթղթի տվյալները)

« _____ » _____ 2023թ.

(որոշման օրինակի ստացման ամսաթիվը)

Ծանոթություն. Սույն որոշմամբ նշանակված տույժի գումարը ենթակա է վճարման Կենտրոնական գանձապետարանի №900005024055 հաշվեհամարին 28 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: